

YABOODA

Lubah ndah nyag tubè

1 Lo yaboodat nu Lubah ndah dörañ ki döning. ² Döning to kari, nya gotot. Til ut ta hoolhé, na Ndil Lubah or doñ dö mant.

3 Lubah el an: «Ki kunj té!» na kunj té. ⁴ Lubah o kunj i kimaj, na Lubah gang kunj ki til nat. ⁵ Lubah nda tö kunj lokikada na til lokindö. Lokisolé ki lokisin i ndö kidassa.

6 Lubah el an: «Ki lokitat i mbinna man'gt kad ki gang man nat ki man!»

⁷ Lubah ra lokitat gang'n man ki to gir lokitat't nat ki man ki i doñ dö lokitat't, na i titbè. ⁸ Lubah nda tö lokitat döran. Lokisolé ki lokisin i ndö kikonjo.

9 Lubah el an: «Ki man kigir dörañt ki kaou kinat lo kira; ki lokitut té!» na i titbè. ¹⁰ Lubah nda tö lokitut döning, man ki kaou kinat nda töa bahbo. Lubah o i kimaj. ¹¹ Kamla Lubah el an: «Ki döning ba mu kimbool! Ki mbi-kamg ki téni ki kumdi! Ki kag'g ki téni ki kand'di ki kumdi kamt kigo jinissdi döningt!» na i titbè. ¹² Döning ba mu kimbool ki kamg ki téni ki kumdi kigo jinissdit, ki kag'g ki téni ki kand'di ki kumdi kamt kigo jinissdit. Lubah o i kimaj. ¹³ Lokisolé ki lokisin i ndö kikoñmita.

14 Lubah el an: «Ki kunjg iññ kam lo't ki dörañt kitökad gangin lokikada ki lokindö nat, na ki iññ kitö nyakojg ki kitö dönahg ki kitö ndög ki þalg, ¹⁵ na ki iññ kunjg kam lo't ki dörant kad ki unjin döningt!» na i titbè. ¹⁶ Lubah ra kunj kibobo jo, kunj kibo kitö konþé dö lokikadat na kunj kidu kitö konþé dö lokindöt; ra kimég tö. ¹⁷ Lubah ndadi kam lo't ki dörañt kad ki unjin döningt, ¹⁸ na kad ki onþé dö lokikadat ki lokindö na kad gangin kunj ki til nat. Lubah o i kimaj. ¹⁹ Lokisolé ki lokisin i ndö kikoñsö.

20 Lubah el an: «Ki man té ki nyag kikumkajir ad bilan kidötdöt! Ki yelg bain doñ ki bogdi döningt kam nelt!»

²¹ Lubah ndah dang kibobo kam mant, ki nya kikumkajir kirei ki bilan kidötdöt, ingin odin rodi kam mant, kigo jinissdit, ki yel kirei ki bogn kigo jinissat. Lubah o i kimaj. ²² Lubah njang dödi, an: «Oojin'na, i bilan kidötdöt, i roossin kam man ki bahbot! Ki yelg bilan kidötdöt dö döningt!» ²³ Lokisolé ki lokisin i ndö kikonjumi.

24 Lubah el an: «Ki döning té ki nyag kikumkajir kigo jinissdit: nyakulg, ki nyag ki kor kod'di ber ki dang kimut kigo jinissdit!» na i titbè. ²⁵ Lubah ra dang kimut kigo jinissdit ki nyakulg kigo jinissdit ki nya ki kor kod ber kirei kigo jinissat. Lubah o i kimaj.

26 Lubah el an: «Ad ki ra dé bakumtají ki titji kad onþé dö kanjgt ki bahbot, ki dö yelgt kidon, ki dö nyakulg, ki dö döningt kitaagbè, ki dö nyat ki kor kod ber kirei!» ²⁷ Titbè Lubah ndah dé bakumtan, bakumta Lubah la ndaahn yé, Lubah ndahdi kidinga ki kidep. ²⁸ Lubah njang dödi, na Lubah eldi an: «Oojin'na, i bilan kidötdöt, i roossin döning, na i telina gir togsit! I onþé dö kanjgt ki bahbot, ki dö yelgt kidon, na ki dö nyat kikumkajir kirei ki ag döningt!» ²⁹ Lubah el tö an: «On! m'adsi kam kirei ki té ki kumn döningt kitaagbè, ki kag kirei ki aou ki kandn ki kumn kamt; a iññ nyasasi. ³⁰ Dañ kirei ki döningt, ki yel kirei kidon, ki nya kirei ki kor kod ber ki kò kumkajir i kamat, m'ad mu

1:3 2 Cor 4:6

1:6–8 2 Pierre 3:5

1:26 1 Cor 11:7

1:27 Mat 19:4; Marc 10:6

1:27–28 Ya 5:1–2

kimbool kirei kad i nyasadi,¹ na i titbè.
²¹ Lubah o nya kirei in ra, na o! i
 kimaj ngaiñ. Lokisolé ki lokisiñ i ndö
 kikoñmehen.

2 Titbè la dörañ ki döning iññi ki ra
 woi nat ki nyag kikamt tubè.² Nö
 ndöt kikoñsiri Lubah tol kön killaran,
 na Lubah ta kò dö ndöt kikoñsiri dö³
 killaran tubè.⁴ Lubah njang dö ndö
 kikoñsiri na tela kijabat' kitö ndöa-
 tinön la Lubah ta kò dö killaran tubè
 yé.⁵ Titbè la i girta dö dörañ ki
 döning lon Lubah ndahdi'n yé.⁶ Ndöt
 in Brabé Lubah ra döning ki dörañ,
⁷ kam mad goto döningt, ké mu mad
 ba al baitö kitö Brabé Lubah ad ndi ed
 döningt al. Dé mad ki ndör ning goto
 baitö.⁸ Mum bai ko döningt ad nyom
 döning kitaagbè.⁹ Brabé Lubah bah
 dé ki buning, na to kò kumkajir ki
 bulo könat ad dé tel ro kikumkajir.

Ndör Eden

8 Kamla Brabé Lubah hö ndör kam
 Edent ko lobakadt, na nda dé'n baah
 yé kitit.¹⁰ Brabé Lubah ad jiniss kag
 kirei ki nel kum dé, na maj kitö sa, ba
 kokam ningt, ki kag kumkajir tö
 ngaudan ndört, ki kag ger maj ki majal
 ho.

10 Bah mad té kokam Edent kitökad
 nyom ndör. Ko nu bah tö'na gir sô.
11 Bah kidassa töa i Pison; bah inönü
 gug dö döning Havila kitaagbè, lo in
 l'or i tit.¹² L'or ki döning inönü i kimaj;
 nökag bdellium ki koss *onyx iññi tit
 tö.¹³ Bah kikonjo töa i Guihon; bah
 inönü gug dö döning Cus kitaagbè.
14 Bah kikoñmita töa i Hiddekel, bah
 inönü nuñ aou ki lobakadt ki döning
 Assyriet. Bah kikoñsö töa i Euphrate.

15 Brabé Lubah un dé na ndaa kam
 ndör Edent kad dé inönü ndör kama na
 o goa tö.¹⁶ Brabé Lubah nda mber dé
 inönü an: «I ra tog sa kand kag'g tubè
 kikam ndört,¹⁷ na kand kag ger maj
 ki majal a i sa al kitö dö ndöt in a i sa a
 nè, a i woi ruba!»¹⁸

18 Kamla Brabé Lubah el an: «Maj
 kad dé i kikiranbè al, m'a m'r'a ngerasia
 ki sumbaa.»¹⁹ Brabé Lubah bah dañ

kimut kirei ki yel kidon kirei kokam
 ningt na aou sédi ro dét inönü kad ki n'o
 titbaiñ dé a nda tödi. Tö'n dé inönü nda
 dö nyat kikumkajir kirei, in la i töa
 yé.²⁰ Dé inönü nda tö nyakulg tubè ki
 yelg kidon tubè ki dang kimut tubè na
 dé inönü ta a nè, ngah ngerasia ki
 sumbaa al.²¹ Kamla Brabé Lubah ad
 bi kitolsokir so dö dét ad bi. Or
 kingakada kira na ut goota ki daña
 gog.²² Kinga inönü in or kad dét yé,
 Brabé Lubah tela dékideñ na aou sia
 ro dét.²³ Dé inönü el an:

«Tajigla iñràn la i kinga kingamg,
 i dañ dañm.

A kunina dékideñ
 kitö orina kokam dékidingat.»²⁴

24 Kitö iñten la dékidinga a nya'n bobn
 ki koññ na tinx'a'na ki néñ yé. Iññi tujo
 a iññi dañro kira.²⁵ Dékidinga ki néñ,
 iññi tujo rodi i kari, na rodi soldi al.

Dé so kam majalt

3 Li iñgëool kitoi dang kimut tubè
 iñgin Brabé Lubah radi. El dékideñ
 an: «Rota, Lubah el an; «a i san kand
 kag'g tubè kikam ndört al» el titbè é?»²⁶
2 Dékideñ el li an: «Ki ra tog sa kand
 kag'g kikam ndört,²⁷ na kand kag ki rà
 dan ndört yé, Lubah el an; «a i san al,
 a odin al tö, na béta woin!»»²⁸ Li el
 dékideñ an: «A'a, a woin ruba al,²⁹
⁵ kitö Lubah ger, ndö'n i san a nè,
 kumsi a té, a i telin tit ki Lubah, a i
 gerin maj ki majal.»³⁰ Dékideñ o kand
 kag i kimaj kitö sa, i nya ki nel kum
 tö, i kag ki nyurkoñ kitökad dé tel
 ngeterkam. Ja kanda sa, na ad ngaun
 ki i nat sia. Iñ tö sa.³¹ Iññi tujo kumdi
 té ad gerin rodi i kari, na ossin mbikam
 mbaibood ndan gugin dö girdi.

8 Kamla on kah Brabé Lubah, a
 ndia kam ndört döji losolt. Dékidinga

2:2 Héb 4:4, 10

2:2–3 Té 20:11

2:7 1 Cor 15:45

2:9 TN 2:7, 22:2, 14

2:24 Mat 19:5; Marc 10:7–8; 1 Cor 6:16;
 Eph 5:31

3:1 TN 12:9, 20:2

ki nén yan rodi takum Brabé Luħaht ku kag'gt kikam ndört. ⁹ Na Brabé kun dékidinga, ela an: «Iń rah a?» ¹⁰ Tura an: «M'o dö ndii kam ndört na m'bool kitō rom i kari la m'ya'n rom yé.» ¹¹ Brabé ela an: «Nō haq eli adi i ger iń ki ro kikari a? Kand kag in m'ndai mbera kad i sa al nō, i sa a?» ¹² Dékidinga el an: «Dékideñ ká'n adm kad ndi sém, iń la adm kand kag la m'sa yé.» ¹³ Brabé Lubah el dékideñ an: «Ri kibè i ra a?» Dékideñ el an: «Li goolm na m'sa.» ¹⁴ Brabé Luħah el li an:

«Kitō i ra inten,
iń ki ndoltoi nyakulg tubè
ki dang kimut tubè.

A i or kodi ber,
a i sa buning ki ndöig tubè.

¹⁵ M'a m'nda ndoor mbinnait ki dékideñ
ki mbinna koiht ki koah tö.
In la a rigiji döi yé,
iń tö, a i don gidnjaa.»

¹⁶ Brabé el dékideñ an:
«M'a m'nda roto loi ki ngwon ki
ndan
m'ad baiñ kirotagt.

Ki toñ kooj la a ooj'n ngan'g yé.
Nyandig loi a i kokiro ngauit,
iń tö a onbē döit.»

¹⁷ Brabé el dékidinga tö an:
«Kitō i nel mbii kidö néit
mbañ i sa kand kag
in m'ndai mbera m'an;
“a i sa al yé,”
ning i ki ndol kitatöi.
A i ngah nyasait ki killà ki kor rok,
ki ndöig tubè.

¹⁸ Ning a ba kön'g ki ngarrg kitöi.
A i sa mbikamg kimut tö.

¹⁹ Ki tuto kumit la a i sa'n nya yé,
mbañ i tel gog ki ningt,
kitö oriin ko kitit kitö iń buning,
a i tel buning gog tö.»

²⁰ Dékindinga nda tö nén Eve kitö
i kon ngékumkajrig tubè. ²¹ Kamla
Brabé Luħah ra kibu ngira ad Adam
ki néa na la rodit.

²² Brabé Lubah el an: «On! dé tel
tit kikira kujit kitö ger maj ki majal.
Tajigla ad ki j'oga dö la jin ja'n kand

kag kumkajir sa, na bëta ndi'n ki
kumkajir kimbañ kinöt.» ²³ Brabé
Luħah tubaa kam ndör Edent kitiga
kitökad ndör ning in ora tit. ²⁴ Titbè
la Luħah tuba'n dé kö, na nda
*chérubg ko lobakad ndör Edent; nda
*kassgar ki té ndonħor tö, kitökad
ngonmin nè tarob ki kag kumkajirt.

La Bible en Mbai

© Alliance Biblique Universelle 1980

ISBN 0 564 01783 3

BFBS-1980- 10 M- 063P